

中國方志叢書・華中地方・第五〇四號


據

明・潘璵編輯  
明嘉靖二十五年刊本

影印

浙江省

# 天台勝跡錄



成文出版社有限公司印行



\*10101901\*

中華民國七十二年三月臺一版

## 天台勝跡錄

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

天台勝跡錄序

天台之名聞於世自晉劉阮而已然矣雖其說涉於荒唐難以盡信而山水之勝不可誣也厥後詞臣墨客流寓寄傲於其間者盛而述作之富不可勝紀潘梅壑氏產于茲土懼其久而散逸乃博考群籍旁搜石刻選粹正訛彙次成帙命曰天台勝跡錄不憚脩阻詣予請序予作曰勤矣哉梅壑之用心也其有功於天台不多乎竊嘗聞之山川顯晦皆繫乎人然而遇與不遇則有幸不幸存焉滁之山以歐陽氏之記顯赤

壁以蘇氏之賦顯自今觀之滁山與夫山也赤壁猶夫水也而遇於文章鉅公豈非幸與鴈宕桂山皆天下之奇勝也在漢唐固無聞焉由是推之則今之名山秀水不幸托非其地泯滅而無聞者豈其微哉乃若天台之勝得附能言之士以聞於世則名非過情然視夫托非其地泯滅而無聞者亦不為非幸矣嗟乎豈直山川然哉士生斯世幸而獲遇若伊尹之於湯呂望之於文王諸葛之於昭烈古今數人而已夫何吐握之風日漸以微巖穴之下豈無抱經濟之才

流落不偶而興遺珠之嘆者乎楊于王庭固皆一時之選然其間豈無德薄而位尊力小而任重卒貽覆餗之羞者乎則其幸與不幸又見大焉者矣予於此竊有所感故僭及之梅紫名賦字子良嘗著山川昆蟲百詠重脩天台詩選蓋亦不幸而不遇者與

賜進士第資政大夫南京都察院掌院事右都御史前刑部侍郎致仕黃巖南渠王爌撰

三日月金丁

一一

天台勝跡錄卷之一

邑人梅壑潘 城編輯

僊居介山林應麒校刊

天台山賦

孫紱 字典公 太原人

天台者蓋山嶽之神秀也者涉海則有方丈蓬萊登陸則有四明天台皆元聖之所遊化靈僊之所窟宅夫其峻極之狀嘉祥之美窮山海之環富盡人神之壯麗矣所以不列於五嶽闕載於常典者豈不以所立冥奧其路幽迥或倒景於重溟或陞峯於上嶺始經魑魅之途卒踐無人

之境舉世罕能登陟王者莫由禋祀故事絕於  
常篇名標於奇紀然圖象之興豈虛也哉非夫  
違世翫道絕粒茹芝者烏能舉而宅之非夫遠  
寄冥搜篤信通神者何肯遙想而存之余所以馳  
神運思晝詠宵興俛仰之間若已再升者也方  
解纓絡未托茲嶺不任吟想之至聊奮藻以散  
懷

太虛遼廓而無閼運自然之妙有融而爲川瀆  
結而爲山阜嗟台嶽之所奇挺寔神明之所扶  
持蔭牛宿以曜峰托靈越以正基結根彌於華

岱直指高於九疑應配天於東其巔峻極於周  
詩邈彼絕域幽邃窈窕近知者以守見而不知  
教以路絕而莫曉哂夏蟲之疑冰整輕翻而思  
矯理無隱而不彰啓二竒以示北赤城霞起以  
建標瀑布飛流而界道觀靈驗而遂徂忽乎吾  
之將行仍羽人於丹丘尋不死之福庭苟台嶺  
之可攀亦何羨於層城釋域中之常憲暢超然  
之高情被毛褐之衿衿振金策之鈴鈴披荒榛  
之蒙籠陟峭嶧之崢嶸濟櫛溪而直進落玉界  
而迅趾跨穹窿之懸磴臨萬丈之絕冥踐莓苔

之滑石搏壁立之翠屏攬樛木之長蘿援葛藟  
之飛莖雖一冒於垂堂乃永存乎長生必契誠  
於幽昧履重險而逾平旣克濟於九折路威夷  
而脩通恣心目之寥明任緩步之從容藉萋萋  
之纖草蔭落落之長松覲翔鸞之裔裔聽鳴鳳  
之嗢嗢過靈溪而一濯疏煩想於心胸蕩遺塵  
於旋流發五蓋於遊蒙追羲農之絕軌躡二老  
之玄蹤陟降信宿迄乎玄都雙闕雲竦以夾路  
瓊臺中天而懸居珠閣玲瓏於林間玉宇陰映  
于高隅彤雲斐亙以翼檣微日爛晃於綺疏八

桂森挺以凌霜五芝含秀而晨敷魚雁傳芳於  
陽林醴泉湧溜於陰渠建木滅影於千尋琪樹  
璀璨而雷珠王喬控鶴以冲天應真飛錫而躡  
虛闕神變之揮霍忽出有而入無於是遊覽既  
周體靜心閒害馬已去世事都捐投刃皆虛目  
牛無全疑思幽巖浩味水川爾乃羲和亭牛遊  
氣高寒法鼓琅以振響衆香馥以揚烟耳覩天  
宗爰集通僊挹以玄玉之膏漱以華池之泉散  
以象外之說暢以無生之篇悟遺有之不盡覺  
涉無之有間泯色空以合跡忽即有而得玄釋

原稿不清

二名之同幽清一無於三幡恣語樂以終日等  
寂默於不言覃萬象以冥觀兀同體於自然

天台山賦

白玉蟾

字以閣號海  
南翁

天台之山神僊景象周回八百餘里高聳萬八  
千丈實金庭之洞天乃玉京之福壤霓裳羽節  
之隱顯有無天簫雲璈之清虛嘹唳赤烏吳王  
之脩崇景雲睿宗之典創琳宮葉殿而壯麗千  
載煙嶠松崖而塊奇萬丈雲隨羽客在瓊臺雙  
闕之間鶴唳芝田正桐栢靈墟之上丹元真人  
之身居赤城左極仙翁而坐斷翠屏衆妙臺空

而曠古陳跡法輪院在而何年授經藤蘿蒼  
而夜月照白蒿莽荆榛而曉烟鎖青勢吞吳越  
而峻極紫霄見彼柳史君之什地接蓬萊而臨  
滄海形於韓擇木之銘千丈瀑布而上跨石橋  
萬頃雲花而橫舒佛龍三井龍蟠而水激石吼  
九峰虎嘯而風生樹壑紫檜封丹兮老幹不死  
碧泉漱玉兮飛流自湧玄璵蒼武之恠石天成  
黃精白朮而靈苗仙種剝苔剔蘚而尋訪真跡  
斡竹縛茅而迓其冗俗昭慶院法輪院雲間之  
鷄犬相聞元明宮洞天宮烟深之樓臺爭聳知

天開地闢之久矣信神剏鬼劃之奇哉萬頃碧  
琉璃之水千層青翡翠之岷風響笙響而子晉  
何在花香水香而劉郎不回月洞風林之野鶴  
夜唳雲溪月隴之山猿曉哀幽鳥一聲兮花落  
青澗飛螢數點兮露沾丹霞飛華頂之峰援天  
峻極紫霧鎖方瀛之跼峭壁崔嵬椿庭檜殿之  
金磬敲風竹院松齋之玉琴弄月翠檻丹楹兮  
山染藻稅碧眼蒼髯兮皇冠羽褐丹爐灰冷而  
久兮不火仙蛻壇高而知誰換骨金漿玉醴兮  
泉列石髓瓊樹琪林兮花開春雪鄰峰古寺之

或顯靈異古德聖僧而相傳衣鉢寒山得興  
國清之伽藍智顗普明起定光之法窟淨土耘  
樂仙翁種茶春紉素蘭而秋摘黃菊曉吸玄露  
而暮餐赤霞倚松長嘯而落日也鶴採芝歸來  
而斜陽噪鷗唐有甘泉而坐此翠石漢其高察  
而隱于白沙憑雲翼於岑頭種玉蓮而結子徐  
默希於岩頂栽鐵樹以開花文章不療山水癖  
身心每被溪山縛躡芒屨而扶蒼柯披麻裘而  
載青筠携黃庭而歸冲齒之菴吟洞章而登凌  
虛之閣野鳥鳴嚶嚶山花開灼灼玉霄峰上水

鳴咽華琳峰前雲寂寞烟駕浮空天渺渺空翠  
舞蕭韶雲駢入洞風泠泠洞門無鎖鑰登翠微  
而望香林陟紫霄而顧玉泉仙花靈草而蒼翠  
無邊千巖萬壑而森羅目前吟李白天台之詩  
廣張藉天台之篇塵襟俗垢俱洗盡而袂飄飄  
身欲仙我欲駕青龍而呼白鸞乘風飛去瀛洲  
之外方丈之巔

登天台篇

梁李巨仁

台山稱地鎮千仞上凌霄雲開金闕迥  
露暗石梁遙翠微橫鳥踞珠間入星橋  
風急清溪晚霞

起赤城朝寓目幽棲地駕言追綺季避世桃源  
士忘情漆園吏抽簪傲九辟脫屣輕千駟沈冥  
負俗心蕭蕭凌雲意蒼蒼聳極天伏眺盡山川  
疊峰如積翠分崖若斷烟淺深聞過渡輕重聽  
飛泉探壑逢三島尋真任九仙藏書九幾代看  
博已經千劫將追羽客千載一來旋

登天台山

葛玄

字孝先丹陽人封  
山中隱妙道真人

高高山上山山中白雲間瀑布低頭看青天舉  
手攀石橋橫海外風雨落人間不見紅塵客時  
時鶴往還